



Det beste vatnet på Vestlandet

Når me er ute og reiser i den store verda, så merkar me godt at det er ulik smak på vatnet. Mange meiner at «sydenvatn» ikkje er så friskt og godt på smak som vatnet her heime. Men også når me reiser i vårt eige land, ja sjølv på Vestlandet, så er det variasjonar i smak. I september 2018 vart Bømlavatnet kåra av ein uavhengig jury til det beste vatnet på Vestlandet - ei utmerking me set stor pris på!

Produksjon av vatn og handtering av avløp

Å produsera friskt og reint vatn krev god planlegging, dagleg oppfølging av etablerte rutinar, beredskap, dyktige tilsette - og vilje til å prøva ut ny teknologi. Våre moderne vassreinsesanlegg sørgjer for nok reint vatn, heile døgnet, og heile året. Det er eit oppdrag me har frå eigaren vår, Bømlo kommune. Me skal også sjå til at avløpet på Bømlo blir handtert på ein miljømessig og sikker måte.

Eit godt utbygd overvakingssystem og eit stadig sikrere leidningsnett gjer at BVA har ein låg lekkasjeandel i forhold til produsert mengde vatn. I fjor var lekkasjeandelen hos oss på ca 18%. Nasjonalt gjennomsnitt er rundt 30%.

2018 var eit normalår for investeringar i BVA. Me hadde ei totalinvestering på ca. 13,5 millionar kroner (16 millionar kroner i 2017). Det gjer at me klarar sjølve å følgja opp arbeidet, med tanke på planar og aktivitet.

Gebyr og betaling

Administrativt har me teke vidare arbeidet med å få redusert vass- og avløpsgebyra i Bømlo. I 2018 vart gebyra vedteke redusert med med 1,25% for eit gjennomsnittleg bustadhus, og for 2019 er dei reduserte med 2,25%.

I 2018 vart BVA eit av dei første vass- og avløpsselskapa i landet som let kundane betala for tenestene månadleg. Løysinga har fungert godt, og mange kundar har no gått over til digitale betalingsformer, i staden for å få fakturaen på papir. Det er kjekt at BVA har blitt trekt fram i nasjonal samanheng og har fått dela av erfaringane både i bransjetidsskrift og på konferansar.

Kokevarsel på Espevær

I slutten av september gjekk me ut med kokevarsel på Espevær, på grunn av bakteriefunn i laboratorieprøvene. Beredskapsplanane for bakteriefunn i drikkevassprøvar vart iverksett, kokevarsel sendt ut og eit omfattande arbeid vart lagt ned for å analysa årsaker, ta nye prøvar og halda innbyggjarane orienterte.

Analyse av nye prøvar viste at det ikkje var bakteriar på leidningsnettet og kokevarselet kunne avblåsast dagen etterpå. Det var ein feil i prøvetakinga som hadde gitt utslag på prøven på Espevær. Sjølv sagt skulle me vore denne opplevinga forutan, men den gav oss god øving på rutinane våre i eit avgrensa område. Erfaringa og evalueringa tek me med oss i det vidare arbeidet.

Verdas vassdag - Vatnet på Bømlo og i verda

FN sitt berekraftsmål nummer seks handlar om reint vatn og gode sanitærforhold til alle menneske. BVA lagde saman med Bømlo kommune eit undervisningsopplegg i 2018 som tek opp desse spørsmåla. Elevane i skulen får læra om korleis vatnet på Bømlo blir produsert og distribuert, og dei jobbar med internasjonale spørsmål. Dei som gjennomførte opplegget fekk utdelt ei «Bømlavatn»-flaske. Opplegget er tilgjengeleg på bva.no/undervisning og er tenkt å gjennomførast årleg.

Sikker og kontinuerleg drift

Me ynskjer tilbakemelding frå kundane våre, om det blir oppdaga vasslekkasjar eller andre unormale hendingar på noko av leidningsnettet, eller det tekniske anlegget til BVA. Raske tilbakemeldingar frå kundane er viktig for å tidleg lokalisera og retta opp driftsmessige feil.

For å få driftsmeldingar, enten det er feil eller arbeid på leidningsnettet, eller endring i kvaliteten på vatnet, så er det viktig at kundane registrerer telefonnummera sine. Alle bør gå inn på www.bva.no og klikka på lenkja VARSLING. Her kan ein sjølv registrera telefonnummer knytt til adresse.

Driftsmeldingar vert også lagt ut på Facebook og nettsida vår.

Til slutt vil eg takka alle leverandørar, entreprenørar, abonnentar og tilsette for samarbeidet me har hatt i 2018.



Audun Halleraker
Dagleg leiar

Prosjekt

Det er mange prosjekt som både skal planleggjast og byggjast for å kunna følgja utviklinga i kommunen. Nedanfor følgjer ei oversikt over prosjekta med aktivitet i 2018. Prosjekt som er direkte konsekvens av Bømlopakken er vist for seg.

Bømlopakken

Sakseid – Hestaneset

Ekornsæter – Tormodsætre

Tormodsætre – Sakseid

Status pr. 31.12.2018

Under planlegging

Planleggjast seinare

Planleggjast seinare

Hovudanlegg vassforsyning

Vassleidning gamle Arhaugen

Vassleidning Vorlandsvågen

Naustbakken Serklau Spissøy

Forprosjekt Åreiddalen - Vorland

Ferdig

Arbeid starta

Under planlegging

Under planlegging

Hovudanlegg avløp

Avløpsanlegg gamle Arhaugen

Ferdig

Investeringar

Totalt er det investert for kr. 13 485 000 i 2018 (kr 16 213 700 i 2017).

Dette tilsvarar eit normalår for investeringar i BVA. Investeringane er fordelt slik:

Vatn nye prosjekt: 9 000 100

Avløp nye prosjekt: 4 136 000

Utstyr og inventar: 348 000

Tilsette

Ved inngangen til 2018 var det tilsett tolv driftsoperatørar, to driftsleiarar, ein kontrollør, to sekretærar, ein kontorleiar og dagleg leiar. Antall tilsette er dermed auka med ein person. Ein driftsoperatør har søkt seg ned i 80 % stilling.

Det er i samarbeid med NAV og vaksenopplæringa inngått avtale om midlertidig tilsetting av ein person.

Ved utgangen av året er det dermed 19 faste stillingar og 1 midlertidig stilling i selskapet, totalt 19,8 årsverk.



13 485 000

KRONER INVESTERT I 2018

Drift

På driftsida er arbeidsoppgåvene delt mellom vatn og avløp, og her er oppgåver som har blitt prioritert i året som har gått.

Vatn

I løpet av året har me bygd om og testa ut ny filtermasse på nokre av dei seks filtera i Åreid vassbehandlingsanlegg. Bakgrunnen for prosjektet er eit mål om å auka produksjonen og redusera driftskostnadar gjennom den eksisterande produksjonslinja. Dette kan me få til fordi det blir sjeldnare behov for utspyling av filtera. Erfaringa så langt viser gode resultat og det blir planlagt liknande ombygging også ved dei andre vassreinseanlegga våre.

Me fokuserer framleis på lekkasjesøk og arbeid knytt til dette på distribusjonsnettet. For å unngå farga vatn jobbar me også med reins av røyr («pluggkjøring») og utskifting av dårlege leidningar og vasskummar.

Avløp

På spillvassida står det enno att å skifta ut nokre pumpestasjonar, kummar og dårlege leidningar. Også innan dette området er det fokus på pluggkjøring på leidningsstrek der det viser seg å vera naudsynt.

På overvassida er arbeidet med registrering av innlekk og separering av spillvatn og overvatn starta opp for utsette område. Dette er eit omfattande arbeid som krev både tolmod og erfaring for å gjennomførast på ein god måte.

Generelt

Endringa frå 1.1.2018 med at kundane betalar for tenestene månadleg har ført til gode tilbakemeldingar, og samstundes har restanselistene falt monaleg.

Økonomi

Kommunestyret gjorde i desember 2017 vedtak om årlege gebyr for 2018 etter innstilling frå BVA. Vedtaka innebar ein reduksjon for avløp med 2,5 % og ei auke på årleg gebyr for vatn på 2,5 % for eit gjennomsnittleg stort bustadhus.

Totalt sett medførte vedtaket for 2018 ein reduksjon på ca 1,25 % for den gjennomsnittelige abonnent.

Årets underskot på kr. 3 611 694 blir dekkja av tidligare opparbeidd overskotsfond.

Ei oversikt over fonda syner følgjande:	Overskot vatn	Overskot avløp
Status pr. 31.12.2017:	6 224 046	10 930 394
Årsresultat:	2 902 087	- 6 513 782
Status pr. 31.12.2018:	9 126 133	4 416 612

BVA driv si verksemd etter sjølvkostprinsippet og har av den grunn strenge reglar for bruk av overskot eller underskot.



1 795 693 000


LITER VATN PRODUSERT I 2018

Miljø

BVA starta med systematisk prøvetaking av utsleppa i 2014. Diagram 1 viser ei oversikt over kvart utslepp og resultatet for disse i 2018.

Som diagrammet viser var det nokre utslepp som hadde verdiar over reinsekravet. Her er det gjort tiltak i form av hyppigare tømning. Resultatet av tiltaket viser igjen i prøvar utført seinare, der reinsekravet er innfridd.

Diagram 1: Prøveresultat utslepp 2018 (mg/ liter)



Produksjon

Vatn

I 2018 produserte BVA totalt ca. 1,80 mill. m³ vatn. Dette er ein auke frå 2017 på ca. 3,4 %. Då vart det produsert ca. 1,74 mill. m³ vatn.

Lekkasje utgjer ca. 18 % av produksjonen.

Diagram 2 viser ei oversikt over produsert mengde vatn pr. måned, fordelt på dei tre vassreinseanlegga våre. Diagram 3 viser utviklinga av produsert vatn dei siste åra, fordelt pr kvartal.




Diagram 2: Produksjon vatn pr. måned 2018 (m³)




Diagram 3: Produksjon av vatn (m³) pr. kvartal, frå 2012 til 2018. Mengda produsert vatn har gått ned år for år, og årsaka er at mindre vatn lekk ut. Me ser også at det blir produsert ulik mengde vatn til ulik tid på året.

Det er viktig å ha ei god oversikt over kvar vatnet blir brukt, for å kunna vita noko om lekkasjeandelen. Diagram 4 viser ei prosentvis fordeling av kvar vatnet blei levert i 2018.

- Forbruk etter målar
- Bustad etter areal
- Lekkasje på leidningsnett
- Ikkje betalande kundar
- Produksjonsvatn BVA
- Fritidshus
- Industri
- Hyblar
- Naust/ vasspostar



19 015

SIDEVISNINGAR PÅ BVA.NO I 2018




Diagram 4: Prosentvis fordeling av vatn 2018

Slam

BVA har ca. 20 offentlege slamtankar som blir tømt etter ein fast syklus. Alt slam blir køyrt til Svartasmoget i Fitjar kommune for kompostering.

I 2018 er det tatt ut ca. 694 tonn slam frå offentlege slamtankar. Oversikt over fordelinga av mengde frå dei forskjellige slamtankane er vist i diagram 5.

Ei samanlikning dei siste åra av totalmengde slam, er vist i diagram 6.




Diagram 5: Prosentvis levering av slam




Diagram 6: Produksjon slam pr. år (tonn)





Styret si årsberetning for 2018

Verksemda

Selskapet sitt føremål er kjøp, utbygging, drift og vedlikehald av vass- og avløpsanlegg i Bømlo kommune. BVA har eigedomsretten til alle vass- og avløpsanlegg som tidlegare var Bømlo kommune sin eigedom. Selskapet har ansvaret for utbygging av nyanlegg, og totalansvaret for drift og vedlikehald av vass- og avløpsanlegga i Bømlo kommune.

BVA skal finansiera si verksemd etter sjølvkostprinsippet. Det skal ikkje betalast utbytte til eigarane. Kommunestyret har gjort vedtak om at sjølvkost blir berekna etter inntekt og utgift ført etter BVA sitt rekneskap.

BVA driv verksemda si i Bømlo kommune.

Likestilling

BVA har som målsetting at begge kjønn skal handsamast likt. Av dei fast tilsette er 3 kvinner og 16 menn. Ved framtidige tilsetjingar vil BVA søkja å auka kvinneandelen. På slutten av året fekk BVA i samråd med NAV og Bømlo vaksenopplæring til ei avtale om midlertidig tilsetjing for ei kvinne.

Styret består av 6 medlemmar. Ein av medlemmane i styret er valt av dei tilsette. 5 av medlemmane er valt av eigarane. Av disse 5 er det 3 kvinner og 2 menn.

Arbeidsmiljø

Det har i løpet av året blitt gjennomført ei arbeidsmiljøundersøking. Denne blir følgt opp med tilsvarende undersøking i 2019.

Samla sjukefråvær har i 2018 vore 4,9 %. Styret er ikkje kjent med at fråværet skuldast arbeidsforhold i selskapet.

Det har ikkje vore alvorlege arbeidsuhell i BVA i 2018. Vernerundar har blitt gjennomført i samsvar med selskapet sine rutinar.

Ytre miljø

BVA har frå 01.01.2003 overtatt ansvaret for alle offentlege kloakkutslepp som tidlegare var Bømlo kommune sitt ansvar. Gjeldande utsleppsløyve for kloakk er gjeve av Fylkesmannen i Hordaland. Bømlo kommune er forureiningsmynde for alle utslepp som BVA har ansvaret for.

Det er ikkje registrert uønskte hendingar knytt til ytre miljø i 2018.

Tømming og kompostering av slam frå BVA sine reinseanlegg skjer etter avtale med Sunnhordland Interkommunale Miljøverk, SIM. Kompostering av slam skjer på SIM sitt anlegg i Svartasmoget i Fitjar kommune.

Rekneskap og resultatdisponering

Rekneskapen er gjort opp under føresetnad av vidare drift av selskapet.

Selskapet hadde i 2018 ei **driftsinntekt på kr. 51 034 304** som hovudsakleg kom frå vass- og avløpsgebyr.

Samla **driftskostnad** var i 2018 kr. **51 160 194**, der avskrivning av driftsmidlar utgjer kr. 9 814 724

Netto rentekostnad kr. 3 952 308 er renter på lån kr. 240 950 422 i Kommunalbanken, KLP og Kommunekreditt.

Selskapet har kommunal garanti (sjølvskyldnargaranti) for låna.

Årsoppgjeret viser eit underskot på kr. **3 611 694**, som styret føreslår blir dekkja av overskot på tidligare oppbygd overskotsfond.

Selskapet har opparbeida seg overskotsfond for vatn og avløp. Disse skal etter sjølvkostprinsippet reduserast dei næraste åra og er å rekna som abonnentane sine midlar.

Styret meiner at årsrekneskapen gjev eit rettvisebilete av Bømlø Vatn og Avløpselskap AS sine eignelutar og gjeld, finansielle stilling og resultat.

Signaturar



Gitte Gard Talmo
Styreleiar



Karsten Fylkesnes
Nestleiar



Bente Steinsland
Styremedlem



Hans Otto Robberstad
Styremedlem



Ragnfrid Sønstabø
Styremedlem



Trond Åsmund Sandnes
Styremedlem



Audun Halleraker
Dagleg leiar

Resultatrekneskap

	Notar	2018	2017
Driftsinntekter og driftskostnader			
Salsinntekter	2	46 859 035	46 202 501
Anna driftsinntekt		4 175 269	3 831 561
Sum driftsinntekter		51 034 304	50 034 062
Varekostnad		2 742 112	1 929 785
Lønskostnad m.m.	3,10	14 206 281	13 770 894
Avskrivning på driftsmidler	4	9 814 724	9 383 641
Anna driftskostnad	3	24 397 076	20 495 891
Sum driftskostnader		51 160 194	45 580 212
Driftsresultat		-125 890	4 453 851
Finansinntekter og finanskostnader			
Anna renteinntekt		466 504	439 951
Anna rentekostnad		3 952 308	3 805 762
Anna finanskostnad		0	1 041
Resultat av finanspostar		-3 485 804	-3 366 853
Årsresultat	7	-3 611 694	1 086 998
Overføringer			
Overført anna egenkapital		3 611 694	-1 086 998
Sum overføringer		-3 611 694	1 086 998



BVA gjorde i 2018 testar med byte av filtermasse. Det er til no eit vellukka prosjekt som kan auka produksjonskapasiteten og samtidig redusera driftskostnader.

Balanse - Eignedelar

	Notar	2018	2017
Varige driftsmidler			
Tomter, bygningar o.a. fast eigedom	4	11 682 200	12 007 904
Distribusjon og produksjon vatn	4	140 370 333	136 468 248
Distribusjon og produksjon avløp	4	76 507 936	75 792 740
Driftslausøyre, inventar o.a. utstyr	4	2 071 848	2 692 876
Sum varige driftsmidler		230 632 317	226 961 768
Egenkapital innskot KLP			
Investeringer i aksjer og andeler		377 002	332 169
Sum finansielle anleggsmidler		377 002	332 169
Sum anleggsmidler		231 009 319	227 293 937
Lager av varer og anna behaldning		910 586	882 945
Kundefordringar	5	10 513 300	2 067 015
Andre fordringar	5	1 621 523	781 939
Sum fordringar		12 134 823	2 848 954
Bankinnskot	6	24 271 582	36 075 272
Sum omløpsmidlar		37 316 992	39 807 171
Sum eigedelar		268 326 311	267 101 107

Balanse - Eigenkapital og gjeld

	Notar	2018	2017
Aksjekapital		3 000 000	3 000 000
Sum innskoten eigenkapital	7	3 000 000	3 000 000
Opptent eigenkapital			
Fond vatn		9 126 133	6 224 046
Fond avløp		4 416 612	10 930 394
Sum opptent eigenkapital	7	13 542 745	17 154 439
Sum eigenkapital		16 542 745	20 154 439
Gjeld til kredittinstitusjonar	8	240 950 422	236 130 125
Sum anna langsiktig gjeld		240 950 422	236 130 125
Kortsiktig gjeld			
Leverandørgjeld		5 308 347	5 494 173
Skattetrekk og andre trekk		1 593 355	2 774 533
Anna kortsiktig gjeld	9	3 931 441	2 547 837
Sum kortsiktig gjeld		10 833 144	10 816 543
Sum gjeld		251 783 566	246 946 668
Sum eigenkapital og gjeld		268 326 311	267 101 107

Gitte Gard Talmo

Gitte Gard Talmo
Styreleiar

Karsten Fylkesnes

Karsten Fylkesnes
Nestleiar

Bente Steinsland

Bente Steinsland
Styremedlem

Hans Otto Robberstad

Hans Otto Robberstad
Styremedlem

Ragnfrid Sønstabø

Ragnfrid Sønstabø
Styremedlem

Trond Åsmund Sandnes

Trond Åsmund Sandnes
Styremedlem

Audun Halleraker

Audun Halleraker
Dagleg leiar

Notar til rekneskapen 2018 - Note 1 Rekneskapsprinsipp

Årsrekneskapen er satt opp i samsvar med rekneskapslova av 1998 og god rekneskapsskikk i Noreg.

Hovedregel for vurdering og klassifisering av eiendeler og gjeld

Eigedelar til varig eige eller bruk, samt fordringar med forfall meir enn eit år etter balansedagen, er klassifisert som anleggsmidlar. Øvrige eigedelar er klassifisert som omløpsmidlar.

Fordringar som skal tilbakebetales innan eit år er klassifisert som omløpsmidlar.

Gjeld som forfell seinare enn eit år etter utgang av rekneskapsperioden er klassifisert som langsiktig gjeld.

Varige driftsmidlar er vurdert til historisk kost etter frådrag for bedriftsøkonomiske avskrivningar som er rekna på grunnlag av kostpris og venta økonomisk levetid.

Annen langsiktig gjeld og kortsiktig gjeld er vurdert til pålydande beløp.

Aktiverte renter

Selskapet vedtok i 2011 at det ikkje lenger skulle reknast byggelånsrenter på eigne prosjekt.

Varer

Behaldning av varer er vurdert til inntakskost.

Inntektsføring- og kostnadsføringstidspunkt - samanstilling

Inntekt resultatførast som hovudregel når den er opptent. Utgifter samanstillast med og kostnadsførast samtidig med dei inntekter utgiftene kan jamførast til.

Utgifter som ikkje kan jamførast direkte til inntekter, kostnadsførast når dei oppstår.

Fordringar

Fordringar er vurdert til pålydande med frådrag for forventa tap.

Skattekostnad

Selskapet er ikkje skattepliktig.

Disponering av årsresultat, sjølvkostprinsippet

Selskapet skal drivast etter sjølvkostprinsipp, jamfør vedtektene. Resultatet vil svinga mellom overskot og underskot, og disponering av resultat skjer ved overføring til og frå eigenkapital.

Kommunestyret har gjort vedtak om at sjølvkost blir berekna etter inntekt og utgift ført etter BVA sitt rekneskap.

Med bakgrunn i dette har styret gjort vedtak om å bruke faktisk rente i sjølvkostrekneskapet.


Pensjoner

Forsikrede pensjonsforpliktelser knyttet til ytelsesordningar balanseføres ikke. Alle innbetalinger til forsikringselskapet kostnadsføres. Pensjonsforpliktelser knyttet til AFP-ordningen balanseføres bare for den delen som ansatte har valgt å ta ut. Forpliktelse knyttet til fremtidig AFP-uttak balanseføres ikke.



Notar til rekneskopen 2018 - Note 2 Resultat fordelt på avgiftsområde

	Avløp	Vatn	Sum
Driftsinntekter	19 040 935	31 993 369	51 034 304
Driftskostnader	-20 138 436	-21 207 033	-41 345 469
Sum	-1 097 501	10 786 336	9 688 835
Netto finanskostnader	-5 416 281	-7 884 247	-13 300 528
Årsresultat	-6 513 782	2 902 089	-3 611 693



Notar til rekneskapan 2018 - Note 3 Lønn og godtgjersle

	2018	2017
Løn og feriepengar	12 211 955	12 138 635
Folketrygdavgift	1 458 862	1 421 677
Pensjonskostnader	1 141 496	1 197 168
Investering personal vatn og avløp	-875 704	-1 418 772
Andre ytingar	269 672	432 186
Sum	14 206 281	13 770 894

Antal årsverk sysselsatt i rekneskapsåret: 20

Løn og godtgjersle til dagleg leiar for 2018:	lønn	897 396
	anna godtgjersle	5 746
		<u>903 142</u>

Styrehonorar 243 900

Av dette er godtgjersle til styreleiar kr 79 850, nestleiar kr 37 850 og styremedlemar/varamedlemar kr 126 200.

Honorar til revisor	56 580	eskl. mva
Rekneskapsteknisk bistand revisor	<u>33 700</u>	eskl. mva



Notar til rekneskapen 2018 - Note 4 Varige driftsmidler

Kostpris og ordinære avskr.	Tomt	Felles bygning	Infrastruktur vatn	Infrastruktur avløp	Inventar, utstyr	Totalt
Kostpris 1.1	1 700 000	12 306 587	186 954 902	107 838 064	10 854 090	319 653 643
+ Tilgang i år		50 544	9 001 486	4 167 190	297 284	13 516 504
- Avgang i år		0	0	0	0	0
Kostpris 31.12	1 700 000	12 357 131	195 956 388	112 005 254	11 151 374	333 170 147
Akk. ordinære avskrivningar 1.1	0	-2 027 209	-50 486 654	-32 076 555	-8 132 688	-71 636 462
+ ordinære avskrivningar i år	0	-347 722	-5 099 401	-3 420 764	-946 837	-9 814 724
- akk. avskrivningar selde driftsmidler						0
Akk. ordinære avskrivningar 31.12	0	-2 374 931	-55 586 055	-35 497 319	-9 079 525	-102 537 830
Akk. nedskrivningar 1.1	0	0		0	0	0
+ nedskrivningar i år	0	0		0	0	0
Akk. nedskrivningar 31.12	0	0	0	0	0	0
Sum varige driftsmidler	1 700 000	9 982 200	140 370 333	76 507 936	2 071 848	230 632 317
% ordinære avskrivningar	0%	2,5-5%	2,5-5%	2,5-5%	10-20%	



Notar til rekneskapen 2018 - Notar 5-7

Note 5 - Fordringar med forfall seinere enn ett år.

Faktureringsrutinar vart endra frå 01.01.2018 frå kvartalsvis utsending av faktura, til månadleg. Gebyr for siste kvartal i 2017 hadde hovudforfall 20.12.2017. Bokførte kundefordringar 31.12.2018 er uteståande gebyr for november med forfall 01.01.2019 og desember med forfall 01.02.2019.

Kundefordringar er vurdert til pålydande med frådrag for forventa tap på krav kr 360.000.

Konstatert tap i 2018 er kr 13 634,- mot kr 19 030,- i 2017.

Andre fordringar er vurdert til pålydande, og utgjær:	2018	2017
Til gode meirverdiavgift	0	0
Andre kortsiktige fordringar	1 565 715	781 939
Sum andre fordringar	1 565 715	781 939

Note 6 Bankinnskot

Av totale bankinnskot er kr. 652 788,- bunde til skuldig skattetrekk.

Note 7 Eigenkapital

Selskapet sin aksjekapital er på kr 3.000.000, fordelt på 30 aksjer á kr 100.000.

Alle aksjane vert eigd av Bømlo Kommune.

Eigenkapital:	Aksjekapital	Andel avløp	Andel vatn	Sum eigenkap.
Eigenkapital 01.01.2018	3 000 000	10 930 394	6 224 046	20 154 438
Årsresultat		-6 513 782	2 902 088	-3 611 694
Eigenkapital 31.12.2018	3 000 000	4 416 612	9 126 134	16 542 745

BVA driv si verksemd etter sjølvkostprinsippet og har av den grunn strenge reglar for bruk av overskot eller underskot. Det siste året har ein bevisst auka aktiviteten på driftssida og spesielt innan område avløp, noko resultatet for 2018 også syner.

Grunna store investeringsplanar for selskapet, har eigarmøtet godkjent ei nedbygging av fond på opp mot 10 år.



Notar til rekneskapen 2018 - Notar 8-9

Note 8 Avdragsplan langsiktig gjeld

	2019	2020	2021	2022	2023	Etter 2023
Avdragsplan for selskapet sitt lån:	10 000 000	11 000 000	12 000 000	12 000 000	12 000 000	168 950 422

Det er stilt kommunal sjølvskyldnargaranti for lånet. Eit lån har fast rente. Resterande lån har flytande rente pr. 31.12.2018.

Långiver:	Sum pr. 31.12.2018:	Rente:
Lån Kommunalbanken	62 394 960	1,880 %
Lån Kommunalbanken	57 715 230	1,880 %
Lån KLP (nytt september 2013)	26 354 968	1,890 %
Kommunekreditt	28 235 294	1,880 %
Kommunalbanken	36 842 080	1,880 %
Kommunalbanken	14 407 890	1,800 %
KLP Banken AS	15 000 000 (fastrentelån 5 år)	2,350 %

Note 9 Anna kortsiktig gjeld

Anna kortsiktig gjeld utgjør:	2018	2017
Skuldig løn og feriepengar	1 875 260	1 996 445
Påløpt ikkje forfalt rente	237 963	125 185
Andre påløpne kostnader	1 818 218	426 207
Sum anna kortsiktig gjeld	3 931 441	2 547 837



Notar til rekneskaperen 2018 - Note 10 Pensjonskostnader

Selskapet har kollektiv pensjonsavtale for dei tilsette som oppfyller krav i lov om tenestepensjon. Premien vert kostnadsført løpande. I år er premien på kr. 1 361 992,-

Årets kostnad er redusert med arbeidstakers andel på 2 %. Selskapets ytelsesbaserte pensjonsordningar gir rett til definerte fremtidige ytelser. Disse er i hovudsak avhengig av antall opptjeningsår, lønnsnivå ved oppnådd pensjonsalder og størrelsen på ytelsene fra folketrygden. Forpliktelsene er fondert gjennom KLP.

I tråd med god regnskapsskikk for små foretak er ikke selskapets pensjonsforpliktelse balanseført.

Ikke balanseført pensjonsforpliktelse	31.12.18	31.12.17
Brutto påløpt pensjonsforpliktelse	21 829 841	19 608 951
Pensjonsmidler	17 508 485	16 316 630
Netto forpliktelse før arb.avgift	4 321 356	3 292 321
Arbeidsgiveravgift	458 064	348 986
Netto forpliktelse inkl. aga	4 779 420	3 641 307
Aktuarielt gevinst(tap) ekskl.aga	-400 345	311 683
Aktuarielt gevinst (tap) aga	-42 437	33 038
Netto forpliktelse/(midler) etter aga	4 336 638	3 986 028
Herav aga	415 627	382 024

Ytelsesbasert ordning:		
Aktive	20	18
Pensjonister	2	2
Totalt	22	20

Økonomiske forutsetninger (ytelsesbaserte ordninger)	31.12.18	31.12.17
Diskonteringsrente	2,60 %	2,40 %
Lønnsvekst	2,75 %	2,50 %
G-regulering	2,50 %	2,25 %
Pensjonsregulering	1,73 %	1,48 %
Forventet avkastning	4,30 %	4,10 %
Agasats	10,60 %	10,60 %
Amortiseringstid	15	15
Korridorstørrelse	10,00 %	10,00 %





Til generalforsamlinga i Bømlo Vatn og Avløpsselskap AS

MELDING FRÅ UAVHENGIG REVISOR

Fråsegn om revisjonen av årsrekneskapen

Konklusjon

Vi har revidert Bømlo Vatn og Avløpsselskap AS sin årsrekneskap som viser eit underskot på kr 3 611 694. Årsrekneskapen er samansett av balanse per 31. desember 2018, resultatrekneskap for rekneskapsåret avslutta per denne datoen og notar til årsrekneskapen, medrekna eit samandrag av viktige rekneskapsprinsipp.

Etter vår meining er årsrekneskapen som følgjer med, gitt i samsvar med lov og forskrifter og gir eit rettvise bilete av selskapet si finansielle stilling per 31. desember 2018, og av resultatata for rekneskapsåret som vart avslutta per denne datoen, i samsvar med rekneskapslova sine reglar og god rekneskapskikk i Noreg.

Grunnlag for konklusjonen

Vi har gjennomført revisjonen i samsvar med lov, forskrift og god revisjonsskikk i Noreg, medrekna dei internasjonale revisjonsstandardane International Standards on Auditing (ISA-ane). Våre oppgåver og plikter etter desse standardane er beskrivne i Revisor sine oppgåver og plikter ved revisjon av årsrekneskapen. Vi er uavhengige av selskapet slik det er krav om i lov og forskrift, og har oppfylt dei andre etiske pliktene våre i samsvar med desse krava. Etter vår oppfatning er innhenta revisjonsbevis tilstrekkeleg og formålstunleg som grunnlag for konklusjonen vår.

Styret og dagleg leiar sitt ansvar for årsrekneskapen

Styret og dagleg leiar (leiinga) er ansvarleg for å utarbeide årsrekneskapen i samsvar med lov og forskrifter, og for at han gir eit rettvise bilete i samsvar med rekneskapslova sine reglar og god rekneskapskikk i Noreg. Leiinga er også ansvarleg for naudsynt intern kontroll for å kunne utarbeide ein rekneskap som ikkje inneheld vesentleg feilinformasjon, verken som følgje av misleg framferd eller feil som ikkje er tilsikta.

Ved utarbeidinga av årsrekneskapen må leiinga ta standpunkt til selskapet si evne til å halde fram med drifta og på tilbørleg måte opplyse om tilhøve av betydning for dette. Føresetnaden om at drifta kan halde fram, skal leggjast til grunn for årsrekneskapen så lenge det ikkje er sannsynleg at verksemda vil bli avvikla.

Revisor sine oppgåver og plikter ved revisjon av årsrekneskapen

Målet med revisjonen er å oppnå tryggande sikkerheit for at årsrekneskapen totalt sett ikkje inneheld vesentleg feilinformasjon, verken som følgje av feil eller misleg framferd, og å gi ei revisjonsmelding som inneheld konklusjonen vår. Tryggande sikkerheit er ein høg grad av tryggleik, men ingen garanti for at ein revisjon utført i samsvar med lov, forskrift og god revisjonsskikk i Noreg, og ISA-ane, alltid vil avdekke vesentleg feilinformasjon som eksisterer. Feilinformasjon kan oppstå som følgje av misleg framferd eller feil som ikkje er tilsikta. Feilinformasjon blir vurdert som vesentleg dersom han, åleine eller samla, innanfor rimelege grenser kan forventast å påverke økonomiske avgjerder som brukarane tar basert på årsrekneskapen.

Som del av ein revisjon i samsvar med lov, forskrift og god revisjonsskikk i Noreg, og ISA-ane, utøver vi profesjonelt skjønn og viser profesjonell skepsis gjennom heile revisjonen. I tillegg:

- identifiserer og anslår vi risikoen for vesentleg feilinformasjon i årsrekneskapen, enten det skuldast misleg framferd eller feil som ikkje er tilsikta. Vi utformar og gjennomfører revisjonshandlingar for å handtere slike risikoar, og hentar inn revisjonsbevis som er tilstrekkeleg og formålstunleg som grunnlag for konklusjonen vår. Risikoen for at vesentleg feilinformasjon som følgje av misleg framferd ikkje blir avdekka, er høgare enn for feilinformasjon som skuldast feil som ikkje er tilsikta, sidan misleg framferd kan innebere samarbeid, forfalsking, bevisste utelatingar, urette framstillingar, eller brat på interne kontrollrutinar.

- opparbeider vi oss ei forståing av intern kontroll som er relevant for revisjonen, for å utforme revisjonshandlingar som er formålstenlege etter tilhøva, men ikkje for å gi uttrykk for ei meining om effektiviteten av selskapet sin interne kontroll.
- evaluerer vi om rekneskapsprinsippa som er brukte, er formålstenlege, og vurderer om rekneskapestimata og tilhøyrande noteopplysningar som er utarbeidde av leiinga, er rimelege.
- konkluderer vi, basert på innhenta revisjonsbevis, på om leiinga sin bruk av framleis driftføresetnaden ved fastsetting av årsrekneskapen er formålstenleg og om det er vesentleg uvisse knytt til hendingar eller tilhøve som kan skape tvil av betydning om selskapet si evne til å halde fram med drifta. Dersom vi konkluderer med at det eksisterer vesentleg uvisse, må vi i revisjonsmeldinga gjere merksam på tilleggsopplysningane i årsrekneskapen, eller, dersom slike tilleggsopplysningar ikkje er tilstrekkelege, at vi modifierer konklusjonen vår om årsrekneskapen.
Konklusjonane våre er basert på revisjonsbevis innhenta inntil datoen for revisjonsmeldinga. Etterfølgjande hendingar eller tilhøve kan likevel føre til at selskapet ikkje held fram med drifta.
- evaluerer vi den totale presentasjonen, strukturen og innhaldet, inkludert tilleggsopplysningane, og om årsrekneskapen representerer dei underliggjande transaksjonane og hendingane på ein måte som gir eit rettvissande bilete.

Vi kommuniserer med dei som har overordna ansvar for styring og kontroll mellom anna om det planlagde omfanget av revisjonen og til kva tid revisjonsarbeidet skal utførast. Vi utvekslar også informasjon om tilhøve av betydning som vi har avdekket i løpet av revisjonen, samt om eventuelle svakheiter av betydning i den interne kontrollen.

Utsegn om andre lovmessige krav

Konklusjon om registrering og dokumentasjon

Basert på revisjonen vår av årsrekneskapen slik den er beskriven ovanfor, og kontrollhandlingar vi har funne nødvendige etter internasjonal standard for attestasjonsoppdrag (ISAE) 3000 «Attestasjonsoppdrag som ikke er revisjon eller forenklet revisorkontroll av historisk finansiell informasjon», meiner vi at leiinga har oppfylt plikta si til å sørje for ordentleg og oversiktleg registrering og dokumentasjon av selskapet sine rekneskapsopplysningar i samsvar med lov og god bokføringskikk i Noreg.

Haugesund, 29. april 2019

Deloitte AS



Else Holst-Larsen
statsautorisert revisor



Vedtekter for Bømlo Vatn og Avløpsselskap AS

§ 1 Selskapet sitt namn.

Selskapet sitt namn er Bømlo Vatn og Avløpsselskap AS.

§ 2 Selskapet sitt forretningskontor.

Selskapet sitt forretningskontor er i Bømlo kommune.

§ 3 Selskapet sitt føremål.

Selskapet sitt føremål er kjøp, utbygging, drift og vedlikehald av vatn og avløpsanlegg i Bømlo kommune, og andre oppgåver i tilknytning til dette. Selskapet kan også utføra oppdrag for andre kommunar og privat verksemd, og engasjera seg i liknande verksemd. Selskapet skal grunna sitt allmenntilgjengelig føremål drivast etter sjølvkostprinsippet. Administrasjonsmålet til selskapet skal vera nynorsk.

§ 4 Selskapet sin aksjekapital.

Selskapet sin aksjekapital er kr. 3 000 000. Kvar aksje sitt pålydande er kr. 100 000. Aksjekapitalen er fordelt på 30 aksjar. Selskapet er eit heileigd kommunalt aksjeselskap.

§ 5 Utbytte.

Det skal ikkje betalast utbytte til aksjonærane. Selskapet skal drive si verksemd etter sjølvkostprinsippet. Eventuelle overskot skal nyttast til finansiering av tiltak innanfor vassforsyning og avløpsutbygging i Bømlo kommune.

Ved eventuell oppløysing av selskapet skal eigenkapitalen nyttast til utbygging og drift av vatn og avløpsanlegg i Bømlo kommune.

§ 6 Selskapet sitt styre.

Selskapet sitt styre skal ha frå 5 - 6 medlemmar med 2 stk nummererte varamedlemmar. Generalforsamlinga vel 5 av styremedlemmane og varamedlemmer. Generalforsamlinga kan gjere vedtak om at dei tilsette skal ha eit styremedlem med varamedlem, som veljast av og blant dei tilsette i selskapet.

Styret blir valt for 2 år av gangen. Styret sin leiar og nestleiar blir valt ved særskilt val av generalforsamlinga.

§ 7 Selskapet sin signatur og prokura.

Signatur teiknast av leiar i styret saman med eit av styremedlemmane. Styret kan meddele prokura.

§ 8 Sal av aksjar.

Overdraging av aksjar må for å vera gyldige vera godkjent av selskapet si generalforsamling.

§ 9 Generalforsamling.

Selskapet si ordinære generalforsamling skal haldast kvart år innan utgangen av juni, og skal handsama følgjande :

1. Godkjenning av årsmelding, årsrekneskap og revisjonsmelding.
2. Disponering av overskot eller dekning av underskot.
3. Val av styre.
4. Fastsetjing av godtgjersle til styret og revisor.
5. Andre saker som etter lov eller vedtekter høyrer inn under generalforsamlinga.

Kunngjering til aksjonærane om generalforsamling skjer ikkje i offentlege publikasjonar. Årsrekneskapen, årsmelding og revisjonsmelding skal sendast ut seinast 2 - to - veker før generalforsamlinga.

Alle saker som ein aksjonær ønskjer tatt opp i ordinær generalforsamling skal vera skriftleg og sendt styret innan 3 - tre - veker før generalforsamling Alle dokument som skal leggjast fram på generalforsamlinga, skal i varslingsperioden vera utlagt på selskapet sitt kontor.

§ 10 Vedtektsending.

Vedtektsending og avgjersle om å løyse opp selskapet krev tilslutning frå minst 2/3 av den totale aksjekapitalen i selskapet.

§ 11 Generelt.

Aksjelova sine reglar gjeld i den utstrekning ikkje anna er fastsett i vedtektene.